


Aralin 8

Zz /zi/



Pakinggan Natin




Liko-likong daan
Dapat na pag-ingatan
Iya'y pa-zigzag-zigzag
Baka sa bangin ka malaglag.

Zigzag na daan
Dapat mong tandaan
Di tulad ng zipper
Tuloy-tuloy ang hila
Hanggang sa magsara.



Pag-usapan Natin

Pag-aralan ang mga larawan. Bumuo ng kwento tungkol dito.



zigzag




zebra



Kilalanin Natin

Basahin ang mga salitang nagsisimula sa Z.

1.



zero

4.



zinnia

2.



zipper

5.



zebra


3.



zigzag



Basahin Natin



Mamang tsuper, dahan-dahan

Daang zigzag pag-ingatan

Munting pagkakamali

Baka ka magkabali-bali.



Tandaan Natin

Ang Zz /zi/ ang kahuli-hulihang letra
ng alpabeto.

Kapag kinabitan ng patinig
makikilala ang kanyang pamilya.

za ze zi zo zu

Ilan lang ang salitang Filipino na
nagsisimula sa z


Ang mga ito ay salitang hiram pa.



Subukin Natin

A. Bilugan ang salitang nagsasabi ng pangalan ng larawan.

1.



zipper,

zebra

2.



zebra,

zero


3.



zero,


zebra

4.



xylophone, zero


5.



zipper, zigzag

B. Piliin sa loob ng panaklong ang angkop na salita para mabuo ang pangungusap.

1. Mahaba ang
(zigzag, zipper) ng
baro ko.



2. May malaking larawan ng
(zoo, zebra) sa likod ng baro ko.



3. Paliko-liko ang daang (zero, zigzag)



4. Ay! Wala kang nasagot? (zebra, zero) ka!





Isulat Natin

Bakatin sa sagutang papel.

zeal zinc zip zoo

zigzag zipper zodiac

zebra zero zoom

Gayahin sa sagutang papel.

zero

zebra

xylophone

Basahin at sipiin sa sagutang papel.

1. Ang (0) zero ay nangangahulugan ng wala. Ang pananda ng zero ay /0/.
2. Ako ay nakakita ng telang may guhit na puti at itim. Akala mo ay balat ng zebra sa zoo nanggaling.



Kwentahin Natin

Isulat ang tamang kwenta sa guhit.

1. 90 + 7 = _____

2. 90 + 8 = _____

3. 90 + 9 = _____

4. 99 + 1 = _____

5. Siyamnapung piso (Php 90.00) na ang pera ko. Kung maragdagan pa ng 10 piso. Magkano na ang pera ko?

6. Ang bayad sa pagpasok sa zoo ay isang daang piso. Kung bigyan ako ni Itay ng limang piso, makapapasok na ba ako sa zoo?
